

建 修 家 廟 序

祖廟之制創於五帝而備於三王秦漢相沿以來自王公以至庶人靡不特隆其典我族太祖英武將軍端公挈領胞弟賢公於明洪武二十九年丙子恭奉簡命由江南宦遊湖南遂著籍於長沙實自始祖武烈將軍成公發其跡迨賢公徙居湘潭五世叔祖珣公苗裔均居善化由明季遷湘陰者俱係五世嫡祖琳公世系簪纓累代家乘創垂唯祠宇議建城鄉迄無定局良由經費不足籌款維艱延至乾隆五十一年丙午闔族僉商以所購買五都鄒家灣屋宇基址倡修伊始一齊伯舉桂華庚侯肇其基仁方靜軒衡一鳳翥董其事有益人暉新發弼元天成贊其成派分則聯三代艱辛則著一堂迄今已有百年矣仰瞻廟貌輝煌木石壯麗棟宇高大門牆堅固人雖往而手澤猶新年雖湮而心期共見倘非諸公當日不憚煩勞不避寒暑清廉勵已踴躍從公何以立此百年不敝之基萬世永賴之業特此舉未刊碑石續修譜牒亦未表微闡幽幾乎莫大之功勞輒隨霜草露華而俱隕茲居再續修譜之會父老以克昌厥後之區額尾末注名十三人用以核實表揚於不朽俾奕葉人材輩出科第聯登報本追遠數典毋或遺忘迪光前人潤色鴻業是所厚望也夫

清光緒十一年幾次乙酉孟秋月

上澣穀旦闔族嗣孫敬譔

廟塘衝墳山說 卽今董家衝

大學生 楚邦瑾 字玉哉

嘗思天地之性人為貴生養死者葬可不憤與自古帝王以陵寢為重聖賢以墳墓為先示人不忘其所自也吾家列祖遷湘公擇廟塘衝一山坐北向南安厝祖骸當時古木蒼蒼墓田兩岸遠近咸稱吉地前後鄉鄰莫敢侵犯可謂盛矣中族不賢各私其私墓田出坵木壞遂使先靈不安子孫日微有心者詎無霜露怵惕之感乾隆二十八年癸未族文亮朝安兄弟置產附近墳山因有兩母之慮私葬於山若依原禁斷不許開幸有可援者族皆寫遠懷山復興議處告白孝禮銀七兩五錢以作壕山之費彼此子孫各遂其願他日樹林陰翳禽鳥棲叢祖先地下得以相安佑啟後人由茲兆矣倘有不法子孫私謀詭計妄葬於山何須鳴上押扞族人公處立毀刻不容緩庶先靈無久遠之憂子孫無賤親之事爰作此書垂戒後裔

按廟塘衝祖山向來古木參天濃陰蔽日自清季喪亂以來軍隊強行砍伐而地方人心不古往往乘時竊偷奈族人居處寫遠防不勝防以故大好森林化為童山濯濯言之心傷實堪發指現於無可防范之中極力設法求克服務期達到樹木無侵先靈安妥之目的庶幾積年累月漸復舊觀而可告無罪於

祖宗也方今世變未已岌岌不知所底深望後之賢哲有以繼起而維護之成先人未竟之功立後世永垂之則斯幸甚矣

四修譜局并識

韓家衝世業說 卽今下豐倉六房屋

邑庠生 楚邦鳳 字仕今

土著之來肇自於高祖分受於茲蔀屋數椽基址偏隘山邐迤不盡成畝膏腴間亦外售我祖約居教授治其庭宇堅守不易或有勸之出者則曰此山遙見彼山高安知高處更何在其見識之卓越恒流有如此所以肩任恢拓星月勤勞祖妣黽勉同心警雞饋馐更得人力相其陰陽屈高以為基因土而成勝輦山石溝澗壑是以微者廣頽者新無者壑去者復池塘紆餘桑竹垂蔭石磊水泉芳園林麓互相掩映揆厥初模煥然改觀矣而且買山以成景置田以續流嘗日卽此田廬兒輩勤力其中足以供衣食且業不在多亦顧其守成何如耳吾三世居是鄉見有基業易而他徙者矣阡陌連而今廢者矣吾家依然尚存非不忘其創業之艱難乎謹誌之以示來茲云

再按太祖光緒公生子四中烈中奇中俊中賢中烈公分居成公橋洪家衝口上范家屋場旋移高家衝中奇公分居碑樹衝李家衝口上花樹坡屋場繼移河水塘其子孫徙四川烏山縣中俊公分居韓家衝世守其業迄今區擔峽袁家洞將軍神皆其子孫之所綿衍中賢公分受父居銅含口黎家坡屋場而白馬城亦其子孫之所羅布 及并